



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

8. Pias Personarum &c. Concessio Plurium Indulgentiarum perpetuarum
pro Congregatione Missionis.

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

C O N G E S S I O

Plurium Indulgentiarum perpetuarum pro Congregatione Missionis.

C L E M E N S P A P A X I .

Ad perpetuam rei memoriam.

Pias personarum Ecclesiasticarum Congregationes in Militanti Ecclesia ad Dei laudem, & gloriam, spiritualemque Christifidelium aedificationem providè institutas, ut ad pia, & salutaria, quæ exercent, opera promptiores, alacrioresque reddantur; Indulgentiis, & peccatorum remissionibus invitamus, & confovemus, prout ad earum devotionem, animarumque salutem augendam conspicimus in Domino expedire.

S. 1. Hinc est quod nos Congregationem Missionis in vinea Domini ad animarum salutem strenuè laborantem spiritualibus Indulgentiarum muneribus cumulare volentes, de Omnipotentis Dei misericordia, ac **BB.** Petri, & Pauli Apostolorum ejus auctoritate confisi, præter, & ultra omnes, & quascumque alias Indulgentias, & peccatorum remissiones, & poenitentiarum relaxationes eidem Congregationi hæcenus quomodolibet, & ex quavis causâ, Apostolicâ auctoritate concessas, omnibus, & singulis Presbyteris, Clericis, & Laicis, qui dictam Congregationem in posterum ingredientur, die primo eorum ingressus, si verè poenitentes, & confessi Sanctissimum Eucharistiæ Sacramentum sumpserit, *plenariam*: Illis quoque, qui Congregationem hujusmodi ingressi, & in ea viventis quatuor vota simplicia, nempe Castitatis, Paupertatis, & Obedientiæ, necnon stabilitatis in dicta Congregatione, ad effectum se toto vitæ tempore salutis pauperum ruficanorum applicandi, post biennium probationis juxta Constitutiones prædictæ Congregationis auctoritate Apostolicâ confirmatas emisserint, & verè similiter poenitentes, & confessi, eo die sacra Communione refecti fuerint, *idem plenariam*: Ac præfatis Presbyteris, Clericis, & Laicis nunc, & pro tempore existentibus in cujuslibet eorum mortis articulo, si verè pariter poenitentes, & confessi, ac sacra Communione refecti, vel quatenus id facere nequiverint, saltem contriti, nomen **JESU** ore, si potuerint, sin minus corde, devotè invocaverint, etiam *plenariam*: Præterea eisdem præsentibus, & futuris Presbyteris, Clericis, & Laicis verè similiter poenitentibus, & confessis, ac sacra Communione refectis, qui aliquam dictæ Congregationis Ecclesiam, vel Oratorium, vel Parochialem Ecclesiam Loci, ubi pro tempore commorabuntur, die festo Conversionis Sancti Pauli à primis vespertis usque ad occasum Solis diei hujusmodi, annis singulis devotè visitaverint, & ibi pro felici Congregationis præfate progressu, & propagatione, ac pro Christianorum Principum concordia, hæresum extirpatione, ac Sanctæ Matris Ecclesiæ exaltatione, pias ad Deum preces effuderint, *plenariam*: Insuper eisdem Presbyteris, Clericis, & Laicis, qui spiritualia exercitia per octiduum continuum in aliqua ejusdem Congregationis domo peregerint, & interea verè quoque poenitentes, & confessi Sanctissimum Eucharistiæ Sacramentum sumpserint, ac ut præfertur, oraverint, similiter *plenariam* semel in anno omnium peccatorum suorum Indulgentiam, & remissionem misericorditer in Domino concedimus.

S. 2. Ac demum eisdem Presbyteris, Clericis, & Laicis præsentibus, & futuris in memoria Congregatione viventibus, qui singulis diebus conscientiam suam diligenter examinaverint, cum

proposito à peccatis abstinendi, & se corrigendi, ac Litanias Beatæ Mariæ Virginis devotè recitaverint, & ut supra expressum est, oraverint, *centum dies* pro unoquoque die, quo id egerint, de junctis eis, seu aliâ quomodolibet debitis poenitentis in forma Ecclesiæ consueta relaxamus. Præsentibus perpetuis futuris temporibus valluris. Volumus autem, ut earumdem præsentium literarum transumptis seu exemplis etiam impressis, manu alicujus Notarii publici, vel Secretarii dictæ Congregationis subscriptis, & sigillo personæ in Dignitate Ecclesiastica constitutæ, vel Superioris Generalis Congregationis prædictæ munitis eadem profus fides ubique adhibeatur, quæ ipsis præsentibus adhiberetur, si forent exhibitæ, vel ostensæ. Datum Romæ apud S. Mariam Majorem sub Annulo Piscatoris die quinta Novembris MDCCI, Pontificatus Nostri anno primo.

F. Oliverius.

C O N F I R M A T I O

IX.

Decreti Sacrorum Rituum Congregationis, quo Officium cum Missa de Beato Augustino Dalmata pro Civitatibus Lucerna, Zagabienis, & Traguriensis, necnon earum Diocesisbus, & pro Ordine Prædicatorum de communi tamen Confessorum Pontificum indulgetur.

C L E M E N S P A P A X I .

Ad futuram rei memoriam.

Nuper ad supplicationem Dilecti Filii Antonii Cloche Magistri Generalis Ordinis Fratrum Prædicatorum emanavit à Congregatione Venerabilium Fratrum nostrorum S. R. E. Cardinalium Sacris Ritibus præpositorum Decretum tenoris, qui sequitur videlicet: Lucerna Canonizationis Beati Augustini Dalmatæ Ordinis Prædicatorum Episcopi Zagabienis, & demum Lucerni. Cum Sacrorum Rituum Congregatio ad relationem Eminentissimi, & Reverendissimi Domini Cardinalis Petrucci sub die XIX. Junii MDCC. cum subsecuta approbatione Sanctissimi censuerit constare de Cultu immemorabili B. Augustino prædicto præstito; Pater Antoninus Cloche Ordinis Prædicatorum Magister Generalis humiliter Sacrorum Rituum Congregationi supplicavit, quatenus concedere dignaretur, ut in Civitate Lucerna continuari possit in celebratione Festi dicti Beati Augustini cum Officio, & Missa propriis ejusdem Beati, prout asserbatur fuisse hæcenus recitatum, necnon ut idem Indultum ad totum Ordinem Prædicatorum, ad Provinciam Beneventanam, in qua sita est Civitas Lucerna, ad Civitatem, & Diocesium Traguriensem, Patriam ejusdem Beati; Necnon ad Civitatem, & Diocesium Spalatinam benignè extendere dignaretur: Et Sacra eadem Rituum Congregatio ad relationem Eminentissimi, & Reverendissimi Domini Cardinalis Gabrielli, tam in voce, quam in scriptis Reverendissimo Archiepiscopo Myren. Fidei Promotore audito, accedentibus piis supplicationibus Eminentissimi, & Reverendissimi Domini Cardinalis Ursini Archiepiscopi Beneventani, Archiepiscopi Spalatrini, Episcopi Lucerni, ac aliorum Episcoporum totius Provincie Beneventanæ, & Episcopi Traguriensis, Sanctissimo Domino Nostro porrectis, & ad eandem Sacrorum Rituum Congregationem remissis, Officium cum Missa de Beato Augustino prædicto pro Civitatibus Lucerna, Zagabienis, &

Tragu-